

增訂

偽

藥

條

辨

卷八

序例

目錄

山草部

十八種

芳草部

十七種

濕草部

附穀菰

十二種

增訂偽藥條辨序

書有之作僞心勞日拙甚矣作僞之無益而有害也矧在藥物所以療病一涉於僞則不足以救人而反足以損人甚者或竟至於戕人以救人之藥品而至於損人戕人其害不爲細而實由於一僞字階之厲吁其可駭也夫宋元以降醫與藥分路而揚鑣貨藥者未必知醫而知醫者未必貨藥雖有良醫而藥肆多僞藥則良醫仍無濟於事故良醫良藥宜相輔而行而決不容僞藥隱鼎之雜出其間也曩者先君致力於實學而於醫藥尤多所攷訂不佞自髫齡時輒聞庭訓及之由是於靈素以下稍稍窺見門徑弱冠之時親友之病者相率就診於不佞治之頗有效然終未敢自信故嗣後有請診者輒謝絕之今老矣鬢絲禪榻

專以醫詩文書畫自娛顧每聞有醫學佳著如渴驥赴泉而不能自止
嘗慨夫僞藥之亂真欲著一書以問世而人事匆促學殖荒疏因循不
果四明曹君炳章達於醫藥學臨診以外孜孜於著述無倦容近又取
閩縣鄭子肖巖所著僞藥條辨而增訂之條分縷析博大精微可謂盡
善盡美足以爲僞藥之棒喝禹鼎鑄姦不是過也作僞之風其可因是
而稍弭乎民無夭札將以是書爲左券獨是不佞所有志而未逮者而
曹君乃奮筆而成之非所爲有志者事竟成耶茲付剞劂爰樂而序之
中華民國十七年九月九日

紹興余祥池序於仰師賓學淨室之四積軒

跋

纂此書十七年藏諸篋中未敢問世客歲得讀社友曹君赤電所著規定藥品之商榷首列亂世之偽品經驗既富調查甚確一經對勘立判其有功於世良足多矣蒙僻處海嶠聞見未周仿查不易所揭白偽藥百餘種僅就耳目所及而條辨之以視曹君之博雅何異小巫而見大巫然舊學以商量而遂密故不揣淺陋郵寄請益幸蒙不棄將規定亂真之偽品合參而重訂之既邀附驥之榮遑計續貂之誚耳嗟夫際此醫藥競爭時代優勝劣敗固爲天演淘汰之公例若出真方服假藥是自欺自戕於人何尤無怪泰東西之藥品日新月異如潮流所趨無孔不入倘長此不進不知改良不聯團體吾恐十年後中華之生命

財產悉操外人之手矣唯願天下醫林志士再就當地出產之藥品查
調明確援據各家本草而辨其真偽喚醒迷途扶持正軌庶幾吾國天
產之藥材可放光彩於世界拭目俟能不馨香禱祝以求之也夫

中華民國六年荔夏天貺節

飲井山人肖巖甫謹跋

時年六十有九

增訂偽藥條辨目錄

卷一

山草部

廿八種

人參一

別直參二

剪口參三

西洋參四

東洋參五

人參葉六

北沙參七

黨參八

田三七九

丹參十

黃耆十一

於朮十二

天門冬十三

麥門冬十四

天花粉十五

黃連十六

川貝母十七

川貝粉十八

秦艽十九

銀柴胡二十

鼈血柴胡廿一

苦桔梗廿二

土枸杞廿三

地骨皮廿四

巴戟肉廿五

白薇廿六

蜜蒙花廿七

仙鶴草廿八

卷二

芳草部 十七種

藿香一

土薄荷二

荊芥三

蘇梗四

前胡五

細辛六

黃菊七 附白菊

金銀花八

土玫瑰九

縮砂十

土蜜砂十一

小茴香十二

川芎十三

鬱金十四

子薑黃十五

片薑黃十六

丹皮十七

隰草部

十二種 附水草 穀菰

熟地一

牛膝二

紫苑三

款冬四

紅花五

沙苑子六

車前子七

薤白八

石蓮子九

蒲黃十

洋薏豆十一

赤豆十二

毒草部 十二種

土大黃 一

附子 二

天雄 三

麻黃 四

北干薑 五

高良薑 六

川椒 七

吳茱萸 八

半夏 九

蘇半夏 十

商陸 十一

常山 十二

瀉葉 十三

木部

十九種 附果木 香木 寓木

肉桂 一

杜仲 二

黃柏 三

枳殼 四 枳實附

化橘紅 五

橘絡 六

內製陳皮 七

木瓜 八

烏梅 九

沉水香 十

降真香 十一

乳香 十二

梅冰片 十三

琥珀 十四

茯苓 十五

茯神 十六

血竭 十七

阿魏 十八

老竹黃 十九

卷四

石

部 四種

硃砂一

礪砂二

風化硝三

赤石脂四

蟲介部

七種

珍珠一

蟾酥二

蚺蛇三

蛤蚧四

蘇蜈蚣五

絳緯六

麝蟲非蕉蟲辨七

獸部

十種 附人部一種

犀角一

羚羊二

麝香三

牛黃四

杜膽星五

鹿茸六

鹿角膠七

龜鹿一仙膠八

阿膠九

血餘十

增訂偽藥條辨目錄終

。近人湯劑喜用蘇珞珠。又豈料爲假珠所欺誑乎。用者慎之。

炳章按范成大蟲魚志云。珍珠出合浦海中有珠池。蠻戶投水採蚌取之。

相傳海底有處所如城郭。大蚌居其中。有怪物守之不可近。蚌之細碎蔓

延外者。始得而採之。嶺表錄異云。珠池在廉州邊海中有洲島。島上

有大池。謂之珠池。每年刺史親監珠戶入池採珠。以充貢賦。皆採老蚌

取而剖珠。池在海上。其底與海通。其水乃淡。深不可測也。土人採小

蚌肉作脯食。亦往往得細珠如梁粟。(即今之廉珠也)乃知珠池之蚌。隨

其大小。悉胎中皆有珠矣。而今之取珠蚌者。云得之海邊。不得於池中

也。其北海珠蚌種類小。土人取其肉。或有得珠者。色黃白不甚光瑩。

(或即今之藥珠也)蚌中又有一種江瑤者。腹亦有珠。皆不及南海者奇而

且多。宗奭曰。河北滹潢中亦有珠。圓及寸者。色多微紅。珠母與廉州

者亦不相類。但清水急流處。其色光白。濁水及不流處。其色暗也。熊太古翼越集云。禹貢言淮夷蠙珠。後世乃出嶺南。今南珠色紅。西洋珠色白。北海珠色微青。各隨方色也。予嘗見蜃人入海。取得珠子樹數株。狀如柳枝。蚌生於樹。不可上下。樹生於石罅。人鑿石得樹以求蚌。甚可異也。南越志云。珠有九品。以五分至一寸八九分者。爲大品有光彩。一邊似鑲金者名瑠珠。次則走珠滑珠等品也。格古論云。南番珠色白圓耀者爲上。廣西者次之。北海珠（即藥珠）色微青者爲上。粉白油黃者下也。西番馬價珠爲上。色青如翠。其老色夾石粉青油煙者下也。凡蚌聞雷則瘕瘕。其孕珠如懷孕。故謂之珠胎。中秋無月。則蚌無胎。左思賦云。蚌蛤珠胎。與月盈虧是矣。陸佃云。蚌蛤無陰陽牝牡。須雀蛤化成。故能生珠。專一於陰精也。龍珠在頷。蛇珠在口。魚珠在眼。蛟

珠在皮。鼈珠在足。蛛珠在腹。皆不及蚌珠也。據近時市上所通用。最上者爲瘡珠。即廉州合浦縣珠池所產。粒細如粟。色白光滑有寶光。其次曰藥珠。種類甚多。即北海所產。色白黃有神光者亦佳。惟色黑質鬆者。爲最次。不入藥用。

蟾酥二

蟾蜍生江湖池澤間。其眉間白汁謂之蟾酥。以油單紙裹眉裂之。酥出紙上陰乾用。或以蒜及胡椒等辣物納口中。則蟾身白汁出。以竹篾刮下。麪和成塊。乾之。聞有一種假酥。係麵粉及別藥僞造。萬不可用。

炳章按鮑叔眞醫方約說云。蟾酥乃治諸毒之要藥也。製合得宜。傳服皆可用。蛤蜊皮即蟾皮也。大能收毒外貼。不可缺也。嘉興縣志云。宮中用蟾酥錠。於每年端午日修合。各坊車蝦蟇至醫院者億萬計。往時取用

後串露。蓋兩目俱廢。不能跳躍也。東山朱公典院事。命止刺其一偏。得甦者甚多。此事似微。然發念甚真。爲德不淺。王文謨碎金方。取蟪酥法。先將牙皂角三兩。煎水三沸。旋候冷。用大口甕或缸盛水。將癩蝦蟆不拘多少入中。以稀物覆之。勿令跳出。過一宿其酥卽浮水面。若未浮。其酥卽在身上矣。可用竹刀刮下用之。本草明辨云。端午日以大蛤壳未離帶者。合於蝦蟆眉上腫處。用力一捻。則酥出壳內。貯於油紙候乾。江南出者爲杜酥。要無麵塊神色起亮光者佳。無錫出者。中有竹節痕。浙江杭紹出者。爲片子酥。粉質少者亦佳。山東出者爲東酥。色黃黑味麻辣。不上二層之貨。蓋酥本無定色。但驗其粉之輕重以爲衡。如看成色。以水一碗將酥化開。放入水。如鳥見水卽變色。水面有泡沫者真。僞者見水不動。而粉質漸露矣。

蕘蛇 三

眞蕘州所產之蛇。龍頭虎口。黑質白花。脇有二十四個方勝文。腹有念珠斑。口有四長牙。尾上有一佛指甲長一二分。腸形如連珠。市肆有用本地白花蛇僞充。欲辨眞僞。但視蛇雖乾枯。而眼光不陷者爲眞。故羅願爾雅翼有云。蛇死目皆閉。惟蕘蛇目開如生耳。

烟章按虞初廣志云。蚺蛇大者達十餘丈。圍可八九尺。爲蛇中之最大者。故又名王蛇。屬動物學蛇類中之闊口類。其部分之構造。頭部以下。軀幹及尾。無顯然之判別。皮膚中含有色素。成特有之體色。外皮半脫數次。謂之蛇脫。此係蛇類之特別機關。因蛇類外皮。無生長之力。故苟軀幹增大。勢必脫去之也。心臟具二心耳。一心室。故生理學上之消化作用欠缺。而血行遲緩。其所以成冷血動物者此也。此蛇腹部之下。

尙存有後足遺跡。由動物學之歷史考之。可知其脫變之跡。現多產熱帶諸地。嶺南亦著。皆夙以爲貢品。如唐書地理所謂。〔廣州土貢鼈甲蜺蛇是也〕常棲樹上。雖無毒齒。而筋肉強大。能咬殺人畜。候麋鹿過者。吸而吞之。至已溶化。即纏束太樹。出其頭角。乃不復動。土人每伺而殺之。其所以能吞較已大之動物者。即以此蛇無胸骨。而體中筋肉可任意張縮也。金樓子有楚辭云。〔蛇有吞象其大如何〕之句。或謂指巴蛇。或云卽指此也。埤雅云。〔蜺蛇尾圓無鱗。身有斑紋。故如暗錦纈。似鼈行地。常脩其首。膽隨日轉。上自近頭。中自近心。下自近尾。〕蜺蛇肉。俗謂食之辟蠱毒。其牙長六七寸。土人云。利遠行。避不祥。每枚值牛數頭。其說亦見於括地誌。然最貴者爲膽。能療疾。唐時勅令桂賀泉廣四州。輪次以進。段公路亦云。〔廣州南海縣。每年端午日。

嘗取其膽貢進。蛇則諸郡採送事參親看出之。一鄭重如此。實則由身中具一種特別之液體。利去風濕諸疾。其皮性堅韌。可鞣鼓。今潮州亦有爲之者。其聲絕類象皮鼓。蓋蚺蛇全體殆無一非有用之材也。故叔夜養生論云。(蚺蛇珍於越土)而南裔異物志亦云。蚺惟人蛇。既洪且長。采色駁華。其文錦章。食豕吞鹿。腴成養創。賓享嘉食。是豆是觴。一皆駁之也。符晉中興書所云。(顏含嫂。病困。須蚺蛇胆不能得。含憂嘆累日。忽一童持青囊授含。乃蛇膽也。)其他如警雲樓雜記云。沈公某。其鄉人也。明萬曆間巡撫滇南。初至文武來謁。有參將貌甚醜陋。厥首僅存白骨。絕無額準輔頰。唯目光燦燦騰注。公大驚。獨留問故。自言茲地蚺蛇。千歲以上者高數丈。亘四五里。恒宵游遇豺虎諸獸。則吸而吞之。其於人亦然。某曾夜歸。覺爲風攝去。蹶趨如坐丹爐中。萬火

齊發。腥穢且逼人。某疑入蟒蛇腹矣。亟抽刀割之。約厚五六寸。任此蛇撼天搶地。奔躍數十里外。經時纔出。而此蟒蛇已死。某通體殷紅。頰上皮肉俱盡。倦而寢。及寤始疼。閱半載方愈。此約長五里。山中人競取脂燭燈。鱗火如笠云。據前辨蟒蛇。乃產兩廣深山熱帶地者。故其形甚大。我浙江金衢嚴等所產亦多。惟大者絕少。是蛇一日中惟午時開眼。其捕法。以長竹竿端繫繩圈。打於叢草上。如下有蟒蛇。則草經打搖動。而蛇遂直立欲撲狀。即以繩圈套於蛇身抽緊。則蛇將繩纏緊。遂持竹竿於石上。將竹竿壓於蛇上。以利刃剖蛇腹去腸臟。以竹鎗撐而晒乾。惟胆亦取出收藏。以作藥用。鄭君有言。以白花蛇僞充。白花蛇甚小。重不及兩。乾蟒蛇大者十餘兩。小者五六兩。斷不能可充。且白花蛇價昂蟒蛇十倍。惟初生小蟒蛇充白花蛇。或亦合理。惟斑紋亦有不同